



Na osnovu člana 9. stav (1) Pravilnika o vrstama vlastitih javnih prihoda u Federaciji Bosne i Hercegovine („Sl. novine Federacije BiH“, broj: 104/2022), člana 27. stav 1. alineja 6. Zakona o ustanovama („Službeni list RBiH“, broj 6/92, 8/93 i 13/94) i člana 36. stav 1. tačka f) Pravila Javne ustanove „Pozorište mladih“ Sarajevo (broj: 90-02-2-1/17 od 12.04.2017. godine, broj: 43/04-1/21 od 26.02.2021.godine i 63/04-02/23 od 10.02.2023.godine), Upravni odbor JU „Pozorište mladih“ Sarajevo, na 34. sjednici održanoj dana 29.09.2023.godine donosi:

PRAVILNIK O KORIŠTENJU VLASTITIH JAVNIH PRIHODA JU „POZORIŠTE MLADIH“ SARAJEVO

I OPŠTE ODREDBE

Član 1. (Predmet)

Ovim Pravilnikom uređuju se vrste, način i rokovi raspodjele vlastitih prihoda koje ostvaruje JU „Pozorište mladih“ Sarajevo (u daljem tekstu Pozorište), pravni osnov ostvarivanja, namjena i način trošenja vlastitih javnih prihoda.

Član 2. (Vlastiti prihodi)

Pod vlastitim prihodima Pozorišta podrazumjevaju se prihodi koje Pozorište ostvari obavljanjem osnovne djelatnosti i ostalih poslova na tržištu.

II KRITERIJ ZA UTVRĐIVANJE I VRSTE VLASTITIH JAVNIH PRIHODA POZORIŠTA

Član 3. (Kriteriji)

(1) Kriterij za utvrđivanje vlastitih javnih prihoda Pozorišta, u skladu sa članom 4. Pravilnika o vrstama vlastitih javnih prihoda u Federaciji BiH, su da :

- a) prihod ne spada u kategoriju poreza, doprinosa, taksi, naknada i kazni;
- b) prihod nije kao javni prihod propisan posebnom odredbom u zakonu;
- c) prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši određeni pravni subjekt;
- d) prihod se ostvaruje obavljanjem aktivnosti na tržištu i u tržišnim uslovima od strane subjekta iz člana 2. Ovog Pravilnika, a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada Pozorišta.

(2) Kriteriji iz stava (1) tač. a), b) i d) ovog člana primjenjuju se na kumulativnoj osnovi za utvrđivanje vlastitih javnih prihoda subjekta iz člana 2. ovog Pravilnika koji su uvršteni u registar budžetskih korisnika i koji su definirani kao organi uprave i upravne organizacije prema propisima kojima se isti osnivaju, utvrđuje njihov djelokrug rada, organizacija i funkcionisanje.

(3) Kriteriji iz stava (1) tač. a) do c) ovog člana primjenjuju se na kumulativnoj osnovi za utvrđivanje vlastitih javnih prihoda subjekata iz člana 2. ovog Pravilnika koji su uvršteni u registar budžetskih korisnika i nisu obuhvaćeni stavom (2) ovog člana.

Član 4.

(Vlastiti javni prihodi od iznajmljivanja)

(1) Vlastiti javni prihodi Pozorišta od iznajmljivanja prostora i opreme koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda	Pravni osnov ostvarivanja vlastitih javnih prihoda	Namjena
1.	722642	Vlastiti prihod od iznajmljivanja poslovnih prostora	Potpisani ugovori sa zakupoprincima u skladu sa Pravilnikom o načinu prodaje i cijenama ulaznica, iznajmljivanja velike i male scene i utvrđivanja kriterija za dodjelu pozivnica i besplatnih ulaznica	Izdaci za materijal, sitan inventar i usluge i izdaci za nabavku stalnih sredstava
2.	722643	Vlastiti prihod od iznajmljivanja drugih nepokretnosti	Potpisan ugovor o zakupu u skladu važećim propisima.	Izdaci za materijal, sitan inventar i usluge i izdaci za nabavku stalnih sredstava
3.	722644	Vlastiti prihod od iznajmljivanja vozila	Potpisan ugovor o najmu u skladu važećim propisima	Izdaci za materijal, sitan inventar i usluge i izdaci za nabavku stalnih sredstava
4.	722645	Vlastiti prihod od iznajmljivanja opreme	Potpisan ugovor o najmu u skladu važećim propisima	Izdaci za materijal, sitan inventar i usluge i izdaci za nabavku stalnih sredstava

**Član 5.****(Vlastiti javni prihodi od prodaje proizvoda, roba i usluga)**

(1) Vlastiti javni prihod od prodaje proizvoda, roba i usluga koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda	Pravni osnov ostvarivanja vlastitih javnih prihoda	Namjena
1.	722651	Vlastiti javni prihod od prodaje usluga pristupa i korištenja (ulaznice)	Pravilnikom o načinu prodaje i cijenama ulaznica, iznajmljivanja velike i male scene i utvrđivanja kriterija za dodjelu pozivnica i besplatnih ulaznica, Pravila Pozorišta i Pravilnik o vrstama javnih prihoda u FBiH	Izdaci za materijal, sitan inventar i usluge i izdaci za nabavku stalnih sredstava
2.	722654	Vlastiti javni prihod od oglašavanja proizvoda i usluga (reklamno propagandne usluge, marketinške usluge, sponzorstva i pokroviteljstva)	Potpisani ugovori o saradnji o pružanju marketinških usluga, potpisani ugovori o sponzorstvu/pokroviteljstvu, Cjenovnik usluga oglašavanja.	Izdaci za materijal, sitan inventar i usluge i izdaci za nabavku stalnih sredstava
3.	722655	Vlastiti javni prihod od distribucije i prodaje pisanih, foto i video publikacija i materijala, obrazaca (prihod od prodaje štampanih materijala, suvenira i knjiga)	Ugovor sa dobavljačima, Cjenovnik	Izdaci za materijal, sitan inventar i usluge i izdaci za nabavku stalnih sredstava
4.	722659	Vlastiti javni prihod od ostalih aktivnosti (gostovanja u zemlji i inostranstvu)	Pozivi na gostovanja i potpisani ugovori o gostovanjima u zemlji i inostranstvu.	Izdaci za materijal, sitan inventar i usluge i izdaci za nabavku stalnih sredstava

III PLAĆANJE, USLOVI, NAČIN I ROKOVI RASPODJELE VLASTITIH JAVNIH PRIHODA

Član 6.

(Planiranje i namjena vlastitih javnih prihoda)

- (1) Planiranje i raspolaganje vlastitim javnim prihodima, kao i nadzor nad istim vrši se u skladu sa Zakonom o budžetima Federacije Bosne i Hercegovine te propisima koji uređuju Računovodstvene politike za budžetske korisnike i trezor Kantona Sarajevo, propisima koji uređuju način plaćanja i trošenja vlastitih javnih prihoda i ovim Pravilnikom.
- (2) Vlastiti javni prihodi Pozorišta planiraju se kroz Plan budžeta Pozorišta i izmjene i dopune budžeta Pozorišta.
- (3) Na osnovu planiranih vlastitih javnih prihoda, planirat će se i rashodi i kapitalni izdaci.
- (4) Vlastiti javni prihodi korišće se prioritarno za pokriće izdataka (rashoda) nastalih obavljanjem poslova iz kojih proizilaze ti prihodi, a ostatak će se raspoređivati na tekuće i kapitalne izdatke.

Član 7.

(Raspolaganje vlastitim javnim prihodima)

- (1) Pozorište raspolaže sa ostvarenim vlastitim javnim prihodima u skladu sa članom 14. Zakona o izvršavanju budžeta Kantona Sarajevo za 2023. godinu („Sl. novine KS“, broj: 15/23) i ovim Pravilnikom.
- (2) Pozorište može koristiti vlastite javne prihode prema izvještaju Ministarstva finansija KS koji se Pozorištu dostavlja do 15. u mjesecu za prethodni mjesec.
- (3) Vlastiti javni prihodi koji nisu planirani u Budžetu, a koji se ostvare u toku godine ili se ostvare u većem iznosu od plana u Budžetu, na prijedlog Pozorišta unosit će se i raspoređivat odlukom Vlade i postaju sastavni dio Budžeta.

IV NAČIN UPLATE I TROŠENJA VLASTITIH JAVNIH PRIHODA

Član 8.

(Uplata i trošenje vlastitih javnih prihoda)

- (1) Vlastiti javni prihodi Pozorišta uplaćuju se na depozitni račun Budžeta Kantona Sarajevo.
- (2) Vlastiti javni prihodi Pozorišta mogu se naplaćivati i u gotovini.
- (3) Pozorište je odgovorno za potpuno i pravovremeno uplaćivanje vlastitih javnih prihoda na depozitni račun.
- (4) Pozorište je dužno vlastite prihode ostvarene u gotovini uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.
- (5) Vlastiti javni prihodi Pozorišta moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta Kantona Sarajevo naredne godine.
- (6) Vlastiti javni prihod Pozorišta koristit će se za izdatke za materijal, sitan inventar i usluge i izdatke za nabavku stalnih sredstava.



POZORIŠTE MLADIH SARAJEVO

Član 9.
(Raspoređivanje ostvarenih i naplaćenih vlastitih prihoda)

Pozorište je dužno da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

V ZAVRŠNE ODREDBE

Član 10.
(Izmjene i dopune)

Izmjene i dopune ovog Pravilnika vrše se na način i po postupku predviđenog za njegovo donošenje.

Član 11.
(Stupanje na snagu)

- (1) Ovaj Pravilnik stupa na snagu usvajanjem od strane Upravnog odbora, i dobijanja pozitivnog mišljenja od strane Ministarstva finansija, a uz saglasnost Vlade Kantona Sarajevo, a primjenjivat će se od 01.01.2024.godine.
- (2) Pravilnik će se objaviti na web stranici Javne ustanove, oglasnoj ploči Javne ustanove i u „Službenim novinama Kantona Sarajevo“.
- (3) Danom stupanja na snagu ovog Pravilnika prestaje primjena Pravilnika o korištenju vlastitih prihoda broj:61-01-2/17 od 28.02.2017. godine.

Broj: 422/04-2/23

Sarajevo: 29.09.2023.godine

Predsjednica Upravnog odbora:

Tatjana Šojić

Plaćeno
23.10.23